

師重半二豐如

豐如半二師

重訂痘疹定論序

醫學之傳始於上古考禮記曲禮醫不三世不服其藥孔穎達疏曰黃帝針灸之書爲一世神農本草之書爲一世素女脈訣夫子脈訣之書爲一世醫不讀此三世之書不可信服其藥今其書具在授受最真無如古書簡與俗莫能通不惟雜病易舛卽痘疹一門亦紛如聚聞與有折衷此吾所以慨然於朱氏之痘疹定論也蓋上古之書包羅萬有囊括三才言淺意深辭微旨遠舉古今之病可以一一通其理不必一一備其事譬如兵家之十三篇未嘗詳列陣圖算

家之天元一不復細演程式引而不發原俟後人之
推闡也乃述者遞興各尊所見宋元以來派衍遂分
沿及末流繆妄滋甚痘疹之家或尙寒涼則祖劉完
素之說而以費建中救偏瑣言爲依傍或守溫補則
祖陳文中之說而以張介賓痘疹詮爲指歸甚至執
中無權拘泥朱丹溪解毒和中安表之說不知變通
終成坐誤幼稚天枉良可痛傷余讀朱氏書喜其確
守聶氏心法一以虛實寒熱爲主端論氣血最得授
受之正所言證之可治不可治藥之可用不可用皆
從數十年閱歷得來雖以種痘起家不甚詳言限法

不如翁氏金鏡錄之備然聶氏之傳意主死裏求生
固不必以順險逆三訣印定後人眼目也爰詳校而
付之梓人庶亦息聚訟之一策歟餘詳自序茲不贅
言咸豐壬子歲季冬月上浣丹徒趙克宜小樓序

序

痘疹定論者新建朱氏純嘏之所著也康熙辛酉

聖祖仁皇帝命江西巡撫考送善種痘醫二人純嘏與焉選種試苗皆效隨授御醫直

內廷旋出使各蒙古自在輦轂及往來外藩三十餘年凡奉

命為

聖子神孫天潢戚畹種痘又眊天行自出者奇
變雜療無不應手而愈晚而著為是書蓋
是時年將八十矣夫痘之為疾不見於靈
素又其為字說文玉篇類篇皆無之荀卿
之非相也有所謂蒙俱者斷菑者植鰭者
色如削瓜者面無見膚者無須麋者禹跳
而湯偏者堯舜參牟子者未聞面以疾而
易美惡者也今孩幼之以痘而易美惡者

多矣則三代時無痘明矣自宋元以來劉
守真錢仲陽張潔古王海藏朱丹溪之徒
始見於方書朱氏後出力闢諸家膠執痘
屬心火之說其為胗涼溫攻補不拘一法
其自為論數篇皆精微切當而胎毒蘊于
命門一語則尤破的之論也蓋朱氏之學
實本於清江聶氏聶氏名尚恒明萬厯間
人曾尹汀之甯化所著活幼心法板度閩

運使庫故其書初不大顯幸得朱氏尊而
信之為之盡發其覆而又益以已所得
於是世之為小兒醫者乃今而後知有聶
氏之傳相與講明而代守之則孩幼之獲
全者廣矣其功豈不偉哉至其所云馬伏
波征武陵蠻病痘而卒從此毒纏中國則
未攷史之過也按後漢書馬援傳暑甚士
卒多疫死援亦中病卒則援之死由暑疫

烏得強以痘實之以重誣古人哉吾觀宋
藝文志洎晁昭德鄭夾漈所錄小兒諸方
書當有論痘疹所始者惜久而皆佚則朱
氏所徵引或轉以滋學者之疑故附辨焉
因廣陵同人重梓以廣其傳余僭序其端
云

乾隆三十有四年歲在己丑日在柳雲間
沈大成撰

痘疹定論自序

痘疹者何。原於胎毒。感於時氣。發出而爲痘。與疹之證也。定論者何。前此之論未定。而今日始定之也。何言乎前此之論未定。而今日始定之。必有說也。前此言胎毒有因慾火之所致。有因恣食厚味。辛熱炙搏之所由。有因降生之頃。口中含有穢血。未得取出。嚥下入胃之所自也。殊不知皆非確論。與理不相入也。易曰。大哉乾元。萬物資始。資始者氣之始也。又曰。至哉坤元。萬物資生。資生者形之成也。夫人之有生。受氣於

父。成。形。於。母。則。胎。毒。亦。隨。之。而。根。於。陽。施。陰。受。之。始。豈。待。成。胎。之。後。慾。火。不。息。厚。味。不。節。降。生。之。頃。嚥。其。穢。血。而。後。有。是。毒。耶。前。此。又。言。胎。毒。藏。於。五。臟。故。有。痘。出。五。臟。疹。出。六。腑。之。說。殊。不。知。陽。施。陰。受。之。始。成。其。胎。元。先。有。命。門。則。胎。毒。必。隨。其。氣。化。而。藏。於。命。門。真。且。確。矣。自。命。門。之。陽。動。陰。靜。而。生。水。火。木。金。土。夫。天。一。生。水。生。腎。也。地。二。生。火。生。心。也。天。三。生。木。生。肝。也。地。四。生。金。生。肺。也。天。五。生。土。生。脾。也。此。皆。逐。日。逐。月。漸。次。生。成。及。胎。成。五。月。之。後。而。五。臟。六。腑。始。有。定。

形。豈命門所藏之胎毒至此。又將陰毒遷移於五臟而爲痘。復又將陽毒轉移於六腑而爲疹。不惟無此事。并且無此理。然命門體也。五臟用也。六腑又五臟之用也。胎毒藏於命門。所藏者陰陽之氣也。陰陽之氣藏於命門。至深至密。形氣俱混。必賴五臟六腑傳送時令之氣透入命門。感痘之氣而爲痘。感疹之氣而爲疹。他如幼科雜病。命門不相干涉。因以知五臟六腑爲命門之用也。前此言惟腎無候。又曰變黑歸腎。何言之不合於理。殊不知五臟相須而成。缺一不

可也。痘中之漿血所化也。血非水不生。既藉腎中之水以生血。烏可曰惟腎無候。至於變黑。毒火燥爍。變其色也。豈歸腎之謂乎。前此言胎毒重則出痘。與疹必逆。殊不知胎毒有順而無逆。猶人之性有善而無惡。然人之爲惡。氣稟習俗之所移。痘疹之爲逆。時令濁氣之所變。稍能明乎陰陽氣化。鼓舞兩間。其中有清濁邪正之分。乘其清正之氣。得清正之痘。癰種出順。證之痘。歷歷有驗。則知胎毒之所以爲痘。止有順而無逆。疹雖無癰。可種。然得其清正之氣。亦趨於順。

予經今五十餘年。以種痘深得胎毒細微之理。并透徹胎毒純粹之精。有順無逆。決無虛謬。前此之名家業是科者。代不乏賢。而論證用藥。不偏於寒。則偏於熱。惟清江聶久吾諱。尙恒者。生於隆慶末年。著有活幼心法。論痘與疹。極其詳切。有據訂方用藥。極其中正。無差。予乃遵其成規。發其蘊奧。補前哲之所未詳。刪方書之所不合。然此痘疹定論稿。雖草創於康熙二十年以前。尙未全備。適值欽差內務府廣儲司郎中徐公諱廷弼者。奉

旨來饒製造御器。特到江省傳

皇上旨意。命江西督撫。考選種痘。并明於醫藥調理

者。兩人有江省

督糧道李公諱

月桂

凡各屬

呈送到來醫家。不知凡幾。李公問醫等痘疹

始於何時。胎毒藏於何處。種痘自何人立法。痘

書以何人爲的。議論以何人爲當。辨別以何人

爲詳。痘有虛實寒熱。藥有補瀉溫涼。方有君臣

佐使。治有標本先後。略晰明白。方合吾選。獨於

僑眾之中。挑選予與陳添祥二人。於本年七月

二十二日。自江省起程。八月十四日到京。次年

奉

旨選種試苗。俱皆全愈。然後奉

旨在大內遇喜處種痘。復又差往邊外。各蒙古地方。歷歷俱獲全愈。因此身歷邊境。南北之水土強弱。貴賤之元氣虛實。一一判然於中。在京二十六年。又經見自出之痘。內有怪證變證。前此所未見者。又添一番見解。於此分晰臚列。始爲全備。茲蓋恭逢

皇帝陛下

御極五十二載。天元花甲初週。實乃萬壽無疆之

期歡騰中外。慶溢臣工。車書一統。海宇昇平。時
和年豐。民安物阜。予叨

皇恩較之諸醫。

特恩有加無已。賜予居址。授爵御醫。靜夜自思。年將
老朽。無以仰報。

高厚隆恩。謹將心得之餘。分別條例。極其明白。著
爲痘疹定論。刊刻流傳。將有得是論而熟讀之。
異日應

詔上爲

聖子